

TEZAU LITURGIC
21 IANUARIE

ACATISTUL
SF. MUCENIC
EVGHENIE
DE LA
TRAPEZUNT



MOSCOVA, 2000



Акафист

святому великомученику Евгению Трапезундскому

Кондак 1

Избраннаго страсотерпца, великаго пред Господем о нас молитвенника, наставника, защитника и небеснаго покровителя нашего, похвальными песньми почтим; ты же, угодниче Божий, яко предстояй пред престолом Царя Славы, от всяких бед нас свободи, с любовью и благодарением зовущих ти:

Радуйся, святой Евгение, великомучениче и чудотворче!

Икос 1

Ангелов собеседник и человеков наставник, ко Отечеству Небесному пути указующий благоволением Всемилосерднаго Бога Нашего воистину явился еси, святой Евгение; ты бо на земли во всяком благочестие и чистоте подвизался еси и мученически живот свой, скончавше, востекл еси, в чертоги Отца Небеснаго, идеже молишися о всех нас, зывающих ти сице:

Радуйся, Церкви Христовой звездо пресветлая;
Радуйся, Солнца Правды луче благодатный.
Радуйся, милостивое предстательство твое

верным являющий.

Радуйся, сокровище мира духовного нам открывающий;

Радуйся, к свету Христову заблудшия наставляющий.

Радуйся, упованию христианскому верныя научающий;

Радуйся, козни вражия вражия предстательством твоим разрушающий.

Радуйся, сладостию молитв твоих скорби наша растворяющий;

Радуйся, святой Евгение, великомучениче и чудотворче!

Кондак 2

Видевше, преславный Евгение, яко бози языческия суть «сребро и злато, дела рук человеческих (подобнии им да будут творящии я, и вси надеющийся на ня) (Пс. 113:12, 16), и, отвергшее тыя, к Богу Истинному во Святей Троице Единому обратился еси, песнопоя Ему радостную песнь: Аллилуйя!

Икос 2

Разумом свыше просвещаемъ, всечестный Евгение, начаток и конец жития твоего на камене благом, Христе Спасителе положил еси; Ему же последующие, вся красное мира сего презрел еси (и страдание прескорбное Его же

ради претерпевше, темже) и на конец подвигом мученическим веру твою запечатлел еси и венец нетленных славы от Бога достойне приял еси. Мы же, сия поминающе, просим тя: укрепи нас в житии богоугодном и добродетельном и приими любовь ти приносимья величания сия:

Радуйся, от греховных навыков сердца наши освобождающий;

Радуйся, всех нас к подвигу духовному ныне призывающий;

Радуйся, от искушений и соблазнов избавляющий;

Радуйся, светом Божественным умы и сердца наша озаряющий;

Радуйся, кающихся грешников со Христом примиряющий;

Радуйся, от обычаев душевных сердца наша отвращающий;

Радуйся, нравы добрыя и благочестие в нас насаждающий;

Радуйся, язвы душ наших, елеем молитв твоих умащающий.

Радуйся, святой Евгение, великомучениче и чудотворче!

Кондак 3

Силою и благодатию Духа Святаго укреплемь и просвещамь, всеславный Евгение, невозвратно

Господу последовал еси, наставляя верных ко спасению, да познают вси неверующии Творца своего и Бога нашего и да поют Ему благодарне: Аллилуйя.

Икос 3

Имея велие дерзновение, святой Евгение, ко исполнению заповедей Господних, душу твою, любви ради, положил еси за други своя, егда в предместьях града Трапезунда взяша тя нечестивии в темницу ввергоша и на следующий день к наместнику римскому на суд неправедный приведоша. Ты же, смело обличив еси судию нечестиваго в зловерии, не убоялся еси соборища нечестивых и отверг лъстивые и безумные глаголы мучителя твоего и Христа Растятого мужемудренно исповедал еси.

Вспоминая подвиги и страдания твоя, мы с любовью величаем тя сице:

Радуйся, на подвиг мученический Самим Господем благословенный;

Радуйся, благодатию Его во страданиях укрепленный;

Радуйся, всею душею и всею мыслию Господа возлюбивый; Радуйтесь, не суетному унынию, но Божьему благоволению себе предавый;

Радуйся, Божественную истину пред всеми защитивый;

Радуйся, путем крестным за Спасителем

последовавший;

Радуйся, всемогущую силу благодати Божьей познавший;

Радуйся, святой Евгение, великомучениче и чудотворче!

Кондак 4

Буря ярости и напастей лютых звероподобными гонителями христиан воздвигнутая, не возмоще поколебати веры твоея в Троидинаго Бога Нашего, Творца всего видимаго и невидимаго; ибо ты, всеславный Евгение, благодатию Духа Святаго озаренный, дерзновенно и мужественно противостоял еси мучителю, укрепляющему тя Господу радостно воспевая: Аллилуйя!

Икос 4

Слышав глаголы твоея: «Где суть бози ваша?», повеле злочестивый игемон Лисий вести тя, всеславный Евгение, в храм языческий на поклонение идолом. Ты же, святой страстотерпче, вознесл еси тя, еси молитву твою к Богу истинному, чудеса преславныя непрестанно творящему, и абие падаша изваяния языческие и демоны, в них живуция, гласом велием возопиша, яко тобою изгоняемы быша до пределов гор Кавказских. Мы же, вся сия ныне поминающе, величаем тя, богоносный мучениче, тако:

Радуйся, Христа Господа, Божью Силу и
Премудрость паче всего возлюбивый;
Радуйся, паче мудрецов мира сего мудрейший;
Радуйся, паче старец идолослужительный
разумевый;
Радуйся, дерзновение велие ко Христу Богу
стяжавый;
Радуйся, еллинския кумиры, яко прах,
поправый;
Радуйся, подвиги твоима, иже к Богу, тьмы
начальника низложивый;
Радуйся, силою Божию козни дьявольские
разрушающий;
Радуйся, беснующимся здравие и отраду
подавающий;
Радуйся, святой Евгение, великомучениче и
чудотворче!

Кондак 5

Богоявленной звезде, путь восхвалим ко Христу
указующий, подобен явился еси, всехвальный
Евгение, егда во Трапезунде, сокрушивши и
расточивши кумиры языческия, возвестил еси
веру спасительную во Христа Господа Нашего,
да познают вси, в заблуждении живущие, яко
Той есть Бог Единый и Истинный, Всесильный и
Присносущный, да воспоют Ему: Аллилуйя!

Икос 5

Видев идолов низверженными, а ты ликующая повеле злонравный мучитель паки мукам скорбным тебе, всехвальный Евгений, предати. Ты же, радуясь о укрепляющем ты Господе Нашем, биение, тела иссечения и ран огнем опаление и инья злострадания кротце претерпел еси. Мы же, сия ныне поминающе, таковыя похвалы приносим ти:

Радуйся, лестию злочестиваго игемона не уловленный;

Радуйся, истину Христову дерзновенно пред ним исповедавый;

Радуйся, образ твердости и веры нам показавый;

Радуйся, кровьюми твоими землю преславно освятивый;

Радуйся, огнем вещественным Христа ради опаленный;

Радуйся, огнем Божественным сердца наша воспламеняяй;

Радуйся, любовьию твоею ко Христу ангельския ликостояния возвеселявый;

Радуйся, демонския лукавствия орудием Креста Господня побеждаяй;

Радуйся, святой Евгение, великомуниче и чудотворче!

Кондак 6

Праведник чудес и славы Божией явился еси, великомучениче Евгение, егда повеле зверонравный мучитель, тебе купно со святыми страстотерпцы: Валерианом, Кандидом и Акилою в велию пещь огненную (за пределами града Трапезунда) низвергнути (дабы со смертью вашею сгинула бы и сама пречестная память ваша). Обаче же пламя вещественное не возможе изнурити и поглотити вас, богоносные страстотерпцы, вы бо огнем любви Божественная озаряемы и Даниилу и трием отроком подобащися, попрали есте огонь сей, вопиюще купно со ангелы, вам споществующими, Христу Богу победную песнь: Аллилуйя!

Икос 6

Возсияли есте, яко звезды светозарныя, преславныя мученицы Валериане, Кандиде и Акило, егда во главу усечения, востекли есте в чертози Отца Небеснаго; ты же, преславный Евгение, благословил еси соузники твоя на подвиг мученический и возблагодарил еси Вседержателя и Бога Нашего, яко паки благоволи тебе пострадати именем честнаго Его ради; злочестивый бо игемон повели тя в темницу низвергнути и ко древу истязательному пригвоздити. Мы же, вся сия славословяще,

вопием ти сице:

Радуйся, Единому Богу, в Твоице славимому,
верно послуживый;

Радуйся, единое же на потребу премудре
избравый;

Радуйся, во страданиях, яко злато в горниле,
очистивыйся;

Радуйся, твердейше адаманта в терпении твоём
показавыйся;

Радуйся, в темное подземелие, яко во гроб
вверженный;

Радуйся, язвы Христова на телесе твоём
носивый;

Радуйся, веру, надежду и любовь к Богу до
конца сохранивый;

Радуйся, роптания ко устам твоим не
приложивый;

Радуйся, святой Евгение, великомучениче и
чудотворче!

Кондак 7

Хотяще Всеблагий Господь Наш явити в тебе,
богоносный Евгение, силу животворящую
Всемогущества Своего, посла к тебе, от ран в
темнице изнемогающего, ангела своего, иже
исцели тя ото вся болезней твоих и речи ти:
«Стои твердо, ибо претерпевый вся до конца,
той спасен будет» (Мф. 10, 22). Союзники же

твоя, чудом сим обрадованные, увероша во Христа и воспеша Ему: Аллилуйя!

Икос 7

Новую показа безчеловечную ярость зверообразный мучитель, егда узревше тебе, святой Евгение, здрава и цела, светла ликом, в радости о Всемогущем Господе Нашем пребывающа, исповеда тя владыкою волхователей быти и повеле паки мукам разнообразным (и биению лютому) предати. Мы же, твое пачественное терпение вспоминающе, похвалами блажим тя сицевыми:

Радуйся, многообразныя болезни за Царя Христа Бога претерпевый;

Радуйся, во страданиях твоих ангельским посещением утешенный;

Радуйся, Христу Человеколюбцу всего себе предавый;

Радуйся, мучителей твердостию веры твоея победивый.

Радуйся, в подвиге твоём образ крепости духовныя явивый;

Радуйся, многих людей словом Божиим просветивый;

Радуйся, неверных к Божественной вере приводивый;

Радуйся, святой Евгение, великомучениче и чудотворче!

Кондак 8

Странное и страшное святого страстотерпца Евгение страдания видевши, удивляхуся зело: како возможно таковыя лютыя муки за Христа претерпети, аще сам Всеблагий Спаситель благодатию Своею не укрепит мученика своего; неверныя же трепетом одержимые и чудесами назидаемыя, ко вере спасительной приходиша. Мы же, прославляюще Бога, Дивнаго во Святых Своих всерадостно вопием (купно с тобою) Ему: Аллилуйя!

Икос 8

Всем сердцем возвысивыйся к Богу, преславне Евгение, и всею душею Того возлюбивый (имел еси тщание и желание присно творити волю Его); страдания многа и люта за Него претерпевый, яко новое светило возсиял еси на тверди небесной, егда во главу усеченный, душу твою Христу с велию радостию и надеждою предал еси. Мы же, ныне сие воспоминающее просим тя: просвети нас, омраченных мглою греховною и светом невечерним озари всех славящих тя и поющих ти сицевая:
Радуйся, суету идольскаго нечестия преславно посрамивый.
Радуйся, радостно за главу Церкви Христа главу твою под меч преклонивый;
Радуйся, нетленный венец славы из рук Господа

приявый;
Радуйся, со апостолы и мученики у престола
Божия выну престоай;
Радуйся, от трапезы подвиг твоих, мужеством
верныя насыщай;
Радуйся, в вере и верности Богу нас
утверждай;
Радуйся, светом радости души наша озаряй;
Радуйся, миром духовным, души наша
услаждай;
Радуйся, святой Евгение, великомучениче и
чудотворче!

Кондак 9

Всеми богокрасными лепотами добродетелей
украшивши себе, всеславный великомучениче
Евгение, явился еси тверд и непоколебим в
исповедании веры Христовой. Сего же ради и
естество ангельское возрадовася радостею
велию, узревши мужественную крепость твою и
твердое упование твое на Всесильнаго Господа
Нашего, яко посрамися вселукавый враг, тобою
побеждаем и яко сам Христос Бог достойно
венча тя венцем нетленным, и купно с тобою
возопиша святые ангели Господеви : Аллилуйя!

Икос 9

Ветия многовещанные но не Богопросвещеннии,
глаголы своими не возмогут достойно воспети и

восхвалити благочестивое житие и мученическую кончину твою, всехвальный Евгение, обаче же мы, любовь к тебе подвижаемы и надеждою на предстательство твое окрыляемы, со смирением, любовь и верою таковыя похвалы приносим ти :
Радуйся, честными твоими страданьми землю Понтийскую осветивый.

Радуйся, ризы твоя в крови агнчей тамо убеливый;

Радуйся, в дому Отца Небеснаго обитель себе сотворивый;

Радуйся, многая преславная чудеса по смерти твоей явивый;

Радуйся, молитвам твоими от Бога благословение нам посылаяй;

Радуйся, пути небагия престательством твоим исправляющий;

Радуйся, стопы наша к пристанищу Закона Господня наставляющий.

Радуйся, во вражде сущия, молитвами твоими, примиряющий;

Радуйся, святой Евгение, великомучениче и чудотворче!

Кондак 10

Спастися нам преискренне желая, молишися за нас, многогрешных, у престола святой Троицы (купно с мученическими лики) (выну)

предстояще, всехвальный великомучениче Евгений, и молитвы твоима пособишь нам в странствии многотрудного жития земного нашего, о еже в покаянии и благочестии скончати е, да сподобимся купно с тобою воспевати во веки веков Отцу и Сыну и Святому Духу: Аллилуйя!

Икос 10

Стеною молитв твоих небесных, святой чудотворче Евгений, сохраняй и ограждай нас от искушений врага дьявола, ищущего душевной гибели нашей: ибо мы твердо веруем, что много может молитва твоя пред лицом Всемилосердного Иисуса Христа, Бога и Спаса Нашего. Мы же, грешнии и недостойные, дивящиеся таковому о нас пред Богом молитвенному твоему предстательству, величаем тя сице:

Радуйся, любовью к Богу сердца наша
запаляющий.

Радуйся, молитвами твоими от падений
греховных нас сохраняющий.

Радуйся, светом смирения сердца наша
просвещающий;

Радуйся, из тьмы греховной нас свет Христов
извлекающий;

Радуйся, от заблуждений духовных нас
исцеляющий;

Радуйся, благих начинаний исполнению помогающий.

Радуйся, прошения наша во благо ко спасению исполняющий.

Радуйся, напасти житейския, молением твоим разрушающий;

Радуйся, святой Евгение, великомучениче и чудотворче!

Кондак 11

Пение молебное и похвалу сию смиренную не призри, святой Евгение; се бо верою и любовью к тебе подвизаемы, ублажаем тя заступника нашего и просим : молися за нас выну ко Господу, вемы бо к Нему твое невозбранное дерзновение, и твоих молитв благодатное действо и, имуще такового предстателя, благодарное зовем дивному во святых своих Богу: Аллилуйя!

Икос 11

Светоподательный светильник еси, святой и всеславный великомучениче Евгение, яко всим верным явился еси светом Божественным во просвещение языков и славою Бога Вышняго; и память твоя в роды родов велегласно прославляема бысть по смерти твоея не точию в краю Понтийстем, но во всех пределах мира христианскаго; тем же и нас, к тебе ныне

притекающих и на предстательство твое ныне
велию надежду имущих, от всяких бед и
скорбей, напастей и зол заступи и сохрани и
прими от нас величания сия:

Радуйся, дивная величия Божия верным
открывый;

Радуйся, источниче Божий, жажду духовную
многим утоливый;

Радуйся, царю Василию II победу на грузины
даровавый;

Радуйся, во брани с агарянами царя Алексия
Комнина победоносно укрепивый;

Радуйся, о людех страны э(е)линския
молитвенниче неусыпный;

Радуйся, помощниче людем Российским
богодарованный.

Радуйся, яко тобою прощение грехов улучаем;

Радуйся, яко тобою от бед спасаеми, мир с
Богом обретаем.

Радуйся, святой Евгение, великомучениче и
чудотворче!

Кондак 12

Благодать Божию щедро излиывшуюся на тебе,
святой великомучениче Евгение, испроси и нам
от Всещедраго Бога и Спаса нашего, да нею
вразумляемии и укрепляемии ходим во свете
заповедей Божьих и достигнем вечнаго
блаженства, воспевающе Богу: Аллилуиа.

Икос 12

Поюще пение похвальное усты недостойными,
уповаем на милость Божию и твое, богоносный
Евгение, заступление и ходатайство за нас
грешных, молим тя: не престани молиться о всех
нас купно со сопострадавшими с тобою
мученики святыми Валерианом, Кандидом и
Акилою да помилует нас Господь вашего
ходатайства ради. О сем воздыхающе, пение
похвальное тебе, угодниче Божий, приносим:
Радуйся, мучеников пречестных неувядаемое
украшение;
Радуйся, верных в терпении непоколебимое
утверждение;
Радуйся, всем притекающим к тебе от бед
избавителю;
Радуйся, носителей имени твоего неусыпный
хранителю;
Радуйся, унылых и отчаивающихся всеблагий
утешителю;
Радуйся, усыпленных совестей преславный
возбудителю;
Радуйся, за вся Творца благодарити нас
научающий;
Радуйся, милосердие Божие к нам
приклоняющий;
Радуйся, святой Евгение, великомучениче и
чудотворче!

Кондак 13

О прехвальный угодниче Божий,
великомучениче Евгение, милостивый и кроткий
заступниче наш, прими ныне малое сие
моление и призри на ны, прилежно просящая
твоего молитвенного у Бога предстательства,
испроси нам у Христа Бога нашего чистоту
телесную и душевную, да в мире и покаянии
прочее время живота нашего проживем,
достигнем небесных обителей, идеже с тобой и
всеми святыми, сподобимся воспевати в Троице
славимому Богу: Аллилуйя!

Молитва первая

О, Святой Великомучениче Христов,
Преславный Евгение, образ благочестиваго
жития на земли верным явивший,
мученическую же кончиною твердость веры
своея засвидетельствовавший и венец
нетленных славы от руки Венцедавца Христа
восприявший на Небесех! Молися о иже с верою
притекающих ко святому имени твоему,
Блаженне, и предстательствуй выну о всех
любовию чтущих честную память твою, от
многообразных бед и напастей нас
сохраняюще, да ходатайством твоим от сетей
лукаваго и от злых людей соблюдаеми в мире и
благочестии оставльшиися дни жития нашего
поживем, хваляще Дивнаго во Святых Бога,

Отца и Сына, и Святаго Духа, и твое милостивое предстательство, ныне и присно, и во веки веков. Аминь.

Молитва вторая

О всеславный страстотерпче, достохвальный угодниче Христов, Церкви Православныя поборниче, великомучениче святыи Евгение Трапезундский! Преклоньше колена молим тя: призри на ны, грешныя, к заступлению твоему прибегающия, услыши сие малое моление наше и теплым твоим предстательством умоли Всемилосердного Бога, Ему же ныне предстоиши со Ангелы и всеми святыми, да сохранит нас в единении Православныя Церкви и утвердит в сердцах наших живый дух правыя веры и благочестия, и избавит нас от всякого искушения и прелести бесовския.

По велицей любви твоей, еюже ближния твоя возлюбил еси, испроси у всещедрого Бога Отечеству нашему, мир и благоустроение; всем же нам, недостойным, усердно к тебе прибегающим, богоугодное и безмятежное житие и добрую христианскую кончину, тайн Божиих причастною.

О святыи заступниче наш не остави нас, слабых и беспомощных, молимся за ны ко Господу и Спасу Нашему Иисусу Христу и Пречистей Владычице Богородице, и подвигни на молитву

за нас богопрославные союзники твоя, блаженные мученики Валериана, Кандида и Акилу, с ними же вкупе на Небеси предстоиши у Престола Царя Небесного, да дарует Он, Всещедрый и Премилосердный Господь наш, вся, яже к пользе временней и вечней полезная и потребная; да не воздаст нам по делом нашим, но по неизреченному человеколюбию своему простит нам грехи и согрешения наша, да избавят ны от всякия нужды и печали, скорби и болезни; да ниспошлет нам благое намерение и силу подвизатися во исправлении жития нашего, и в будущем веце да сподобит нас внити в Царствие Небесное и славити купно с тобою Всесвятое Имя Отца и Сына и Святаго Духа во веки веков. Аминь.

